



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-3619/12
Sarajevo, 15.1.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 16.01.2013			
Organizaciona jedinica	Klasifikaciona oznaka	Redni broj	Broj priloga
01-50-1-15		37/12	

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 34. sjednici održanoj 11.1.2013. godine, utvrdilo je Odgovor na zastupničko pitanje koje je postavio Zijad Jagodić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-3619/12
Sarajevo, 11.1.2013. godine

Zijad Jagodić, poslanik u Predstavničkom domu Parlamentarne skupštine Bosne i Hercegovine, na 37. Sjednici Predstavničkog doma održanoj 06.12.2012. godine, postavio je sljedeće poslaničko pitanje:

„Šta je do sada učinjeno i šta se čini na izradi politike IT sigurnosti i uspostavi stalnog procesa analize rizika?“

Na postavljeno pitanje, Vijeće ministara Bosne i Hercegovine je na 34. sjednici održanoj 11. 01. 2013. godine, utvrdilo sljedeći

ODGOVOR

U vezi politike IT sigurnosti i stalnog procesa analize rizika, Vijeće ministara Bosne i Hercegovine je na prijedlog Ministarstva sigurnosti Bosne i Hercegovine na svojoj 156. sjednici održanoj 28.07.2011. godine razmotrilo i usvojilo Strategiju uspostave Tima za odgovore na računarske incidente (eng. *Computer Emergency Response Team, CERT*), tj. CERT tijela u Bosni i Hercegovini. Motiv za uspostavu CERT-a je da postoji adekvatna koordinacija i saradnja u rješavanju sigurnosnih incidenata u Bosni i Hercegovini, te saradnja sa mjerodavnim institucijama na izradi odgovarajućeg zakonodavstva koje bi moglo pratiti razvoj sigurnosti informacionih sistema. U poglavlju 3. Strategije predviđeno je i formiranje ekspertne radne grupe od strane Vijeća ministara Bosne i Hercegovine. Prijedlog odluke za određivanje i imenovanje ekspertne radne grupe za izvršenje svih neophodnih priprema za formiranje CERT tijela u Bosni i Hercegovini (u daljem tekstu: Radna grupa) Vijeće ministara Bosne i Hercegovine je usvojilo dana 07.12.2011. godine na svojoj 168. sjednici.

U toku mandata, Radna grupa je održala osam (8) radnih sastanaka, te izradila dva (2) izvještaja za odgovarajući period, kao i nekoliko prijedloga dokumenata objedinjenih u jedan cjelovit dokument koji je dostavljen kao prilog finalnog izvještaja. Također, realizovana su tri (3) studijska putovanja i uspostavljeni kontakti sa relevantnim međunarodnim organizacijama u oblasti *cyber* sigurnosti koji su prepoznali značaj uspostavljanja CERT tijela u Bosni i Hercegovini i podržali Radnu grupu u njenom radu.

Izvještaj Radne grupe za prva četiri mjeseca 2012. godine (01.01.2012. - 30.04.2012. godine) je usvojen na 12. sjednici Vijeća ministara Bosne i Hercegovine održanoj dana 04.07.2012. godine, i istovremeno, Vijeće ministara Bosne i Hercegovine je zaključilo da podrži nastavak rada Radne u skladu sa planiranim aktivnostima grupe za preostalih osam (8) mjeseci rada. Izvještaj Radne grupe za period 01.05.2012. - 01.10.2012. godina je poslat 16.11.2012. godine na razmatranje i usvajanje na sjednicu Vijeća ministara Bosne i Hercegovine. Također, Radna grupa je uspješno završila mandat stavivši finalni izvještaj Radne grupe u proceduru za slanje na razmatranje i usvajanje Vijeću ministara Bosna i Hercegovine.

Uspostavom CERT tijela Bosne i Hercegovine slijede se preporuke Evropske unije, ali i unaprijeđuje imidž Bosne i Hercegovine u poslovnom svijetu. Također, postojanje BIH CERT-a ne isključuje mogućnost kreiranja takvih timova na ostalim nivoima vlasti u Bosni i Hercegovini. Shodno tome, 2011. godine donešen je Zakon o informacionoj bezbjednosti u Republici Srpskoj („Službeni glasnik RS“ br: 70/11) kojim se, između ostalog, tehnički rad na prevenciji bezbjednosnih incidenata na internetu prepušta Agenciji za informaciono društvo, odnosno posebnom odjeljenju unutar Agencije – Odjeljenje za informacionu bezbjednost čije je formiranje u toku. Vlada Republike Srpske je na 82. sjednici, održanoj 20.09.2012. godine, donijela Uredbu o mjerama informacione sigurnosti. Ovom Uredbom utvrđuju se mjere informacione sigurnosti kojima se obezbjeđuje osnovna zaštita podataka na fizičkom, tehničkom i organizacionom nivou. U Federaciji Bosne i Hercegovine i kantonima još uvijek nisu uspostavljena tijela za informacionu sigurnost.

Dodatno, Ministarstvo sigurnosti Bosne i Hercegovine je izradilo sigurnosno-tehnički upitnik u vezi sa potencijalnim prijetnjama informacionim sistemima institucija Bosne i Hercegovine kojim se pokušava uspostaviti stalni proces analize rizika. Upitnik je dostupan na linku <http://www.msb.gov.ba/Zakoni/dokumenti/?id=7257> .



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-3619/12
Sarajevo, 28.1.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

DOKUMENT NO: 28-01-2013			
Broj	Klasifikaciona oznaka	Redni broj	Broj priloga
01-	50-1-	15-37	12

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 36. sjednici održanoj 23.1.2013. godine, utvrdilo je Odgovor na zastupničko pitanje koje je postavio Zijad Jagodić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-3619/12
Sarajevo, 23.1.2013. godine

Zijad Jagodić, zastupnik u Zastupničkom domu Parlamentarne skupštine Bosne i Hercegovine, na 37. sjednici Zastupničkog doma održanoj 06.12.2012. godine postavio je sljedeće poslaničko pitanje:

„Kada možemo u parlamentarnoj proceduri očekivati Zakon o obligacijama na nivou Bosne i Hercegovine“.

Na postavljeno pitanje, Vijeće ministara Bosne i Hercegovine je na 36. sjednici održanoj 23. 1. 2013. godine utvrdilo sljedeći

ODGOVOR

U Srednjoročnom strateškom planu Ministarstva pravde Bosne i Hercegovine za period 2012-2014 godine, Strateškim ciljem 1: Pravosuđe, Strateškim programom 1.3., definisana je strateška aktivnost 1.3.1.3. u smislu upućivanja Nacrta zakona o obligacionim odnosima na nivou Bosne i Hercegovine Vijeću Ministara Bosne i Hercegovine na usvajanje.

Predmetna strateška aktivnost predstavlja jedan od ciljeva i koraka putem kojih će sektor pravde doprinijeti stvaranju povoljnijeg okruženja za održiv privredni rast u Bosni i Hercegovini.

Navedena strateška aktivnost tretirana je u prijedlozima Ministarstva pravde Bosne i Hercegovine za Program rada vijeća Ministara za 2012. i 2013. godinu u poglavlju I-zakonodavne aktivnosti, pod tačkom a) prijedlozi zakona, u smislu **napomene** da je pomenuti zakon već duži vremenski period predmet rada Ministarstva pravde Bosne i Hercegovine, međutim da neusaglašenost stavova oko donošenja predmetnog zakona na državnom nivou, kao i neharmoniziranost istoimenih entitetskih zakona, predstavlja ozbiljan problem u ovoj oblasti.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-3619/12
Sarajevo, 31.1.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 01.02.2013			
Organizacioni jedinica	Klasifikaciona oznaka	Radni broj	Broj priloga
01-50-1-15-37/12			

PARLAMENTARNA SKUPŠTINA BiH

- Zastupnički dom -


SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 37. sjednici održanoj 30.1.2013. godine, utvrdilo je Odgovor na zastupničko pitanje koje je postavio Zijad Jagodić, zastupnik u Zastupničkom domu Parlamentarne skupštine Bosne i Hercegovine.

U pritvku prosljeđujemo Odgovor radi njegovog dostavljanja zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-3619/12
Sarajevo, 30.1.2013. godine

Zijad Jagodić, poslanik u Predstavničkom domu Parlamentarne skupštine Bosne i Hercegovine, na 37. sjednici Predstavničkog doma Parlamentarne skupštine Bosne i Hercegovine održanoj 06. decembra 2012. godine, postavio je sljedeće poslaničko pitanje:

„Šta Vijeće ministara čini u cilju prilagodavanja pravnog okvira sa standardima EU u pogledu kopatibilnosti i nadzora nad slobodnim zonama?“

Na postavljeno pitanje, Vijeće ministara Bosne i Hercegovine je na 37. sjednici održanoj 30. 1. 2013. godine, utvrdilo sljedeći

ODGOVOR

Članom 161. Zakona o carinskoj politici Bosne i Hercegovine („Službeni Glasnik BiH“, br.: 57/04, 51/06, 93/08, 54/10 i 76/11) propisan je nadzor slobodnih zona od strane carinskih organa, te isti glasi:

„1. Područja slobodnih zona, ulazi i izlazi slobodnih zona i slobodnih skladišta, s izuzetkom slobodnih zona određenih u skladu s članom 162. ovog zakona, podliježu nadzoru carinskih organa.

2. Lica i prijevozna sredstva koja ulaze ili izlaze iz slobodne zone ili slobodnog skladišta mogu biti podvrgnuta carinskom pregledu.

3. Pristup slobodnoj zoni ili slobodnom skladištu može biti uskraćen licima koja ne pruže sve garancije potrebne za postupanje u skladu s propisima predviđenim u ovom zakonu i drugim propisima.

4. Carinski organi mogu izvršiti pregled robe koja ulazi, napušta ili ostaje u slobodnoj zoni ili slobodnom skladištu. Da bi se omogućilo obavljanje takvih pregleda, kopije dokumenata koji se odnose na i koji prate robu, koja ulazi ili izlazi, podnosi ili ih čuva radi stavljanja na uvid carinskom organu svako lice koje taj organ odredi za tu svrhu.

Kada su takvi pregledi potrebni, roba se stavlja na uvid carinskim organima.“

Dakle, što se tiče djela pitanja koje se odnosi na nadzora nad radom slobodnih zona Uprava za indirektno oporezivanje Bosne i Hercegovine, kao provedbeni organ, vrši nadzor nad radom slobodnih zona.

Zakon o carinskoj politici Bosne i Hercegovine uskladen je u velikoj mjeri sa konsolidiranom verzijom carinskog zakona Evropske unije na dan 31.12.2003. godine, Uredba Vijeća (EEZ) br.2913/928.

U vezi drugog djela pitanja koje se tiče prilagodavanja pravnog okvira sa standardima EU Ministarstvo vanjske trgovine i ekonomskih odnosa Bosne i Hercegovine je pripremlilo Procjena učinka propisa (RIA) kojom su ocijenjeni efekti postojećeg režima slobodnih zona u Bosni i Hercegovini na bazi koje je u pripremi Plan razvoja slobodnih zona u BiH. Izrada Plana razvoja slobodnih zona u BiH je uvrštena u program rada Ministarstva vanjske trgovine i ekonomskih odnosa BiH za 2013. godinu s rokom dostavljanja Vijeću ministara u septembru.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-3619/12
Sarajevo, 28.2.2013. godine

01/0-50-1

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 04.03.2013			
Organizaciona jedinica	Institucionalna jedinica	Redni broj	Broj priloga
01-50-1-15-37/12			

PARLAMENTARNA SKUPŠTINA BIH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 40. sjednici održanoj 28.2.2013. godine, utvrdilo je Odgovor na pitanje koje je postavio Zijad Jagodić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-3619/12
Sarajevo, 28.2.2013. godine

Zijad Jagodić, poslanik u Predstavničkom domu Parlamentarne skupštine Bosne i Hercegovine, na 37. sjednici Predstavničkog doma, održanoj 06.12.2012. godine, postavio je slijedeće poslaničko pitanje:

- 1. Šta je sa otklanjanjem nedostataka ili manjkavosti u prijedlogu Zakona o međunarodnom i međuentitetskom cestovnom prijevozu, i kada će biti isti na dnevnom redu ovog Doma?*

Na postavljeno poslaničko pitanje, Vijeće ministara Bosne i Hercegovine, u smislu člana 37. Zakona o vijeću ministara Bosne i Hercegovine ("Službenik glasnik BiH", broj 30/03 i 42/03), na 40. sjednici održanoj 28. 2. 2013. godine, utvrdilo je slijedeće:

ODGOVOR

Ministarstvo komunikacija i transporta BiH je pokrenulo aktivnosti na izradi teksta nacrtu Zakona o izmjenama i dopunama Zakona o međunarodnom i međuentitetskom drumskom prevozu, kako bi se istim otklonile uočene manjkavosti i nedostaci u postojećem tekstu Zakona.

S tim ciljem ministarstvo je predložilo tekst nacrtu Zakona o izmjenama i dopunama Zakona o međunarodnom i međuentitetskom drumskom prevozu i isti dostavilo na mišljenje članovima radne grupe za izradu teksta nacrtu predmetnog Zakona. Radnu grupu, pored predstavnika ovog ministarstva, čine predstavnici nadležnih entitetskih institucija, odnosno Ministarstva saobraćaja i veza RS, Federalnog ministarstva prometa i komunikacija, Vlade Brčko Distrikta BiH, predstavnici nadležnih entitetskih inspeksijskih organa i organa Vlade Brčko Distrikta BiH, Granične policije Bosne i Hercegovine, te predstavnik Spoljnotrgovinske komore BiH.

Krajem mjeseca decembra prošle godine, održan je prvi radni sastanak članova radne grupe. Na sastanku su iznesene određene primjedbe na predloženi nacrt teksta predmetnog Zakona. Trenutno očekujemo od članova radne grupe, predstavnika nadležnih institucija, dostavljanje komentara, odnosno primjedbi i sugestija na predložene odredbe nacrta teksta predmetnog Zakona. Rok za dostavljanje istih je 18.01.2013.godine.

Dalje, ovo ministarstvo je u međuvremenu usaglasilo i dogovorilo termin održavanja drugog radnog sastanka članova radne grupe za izradu nacrta teksta Zakona (31.01.2013.godine). Planirano je da se na sljedećem sastanku usaglase i definišu odredbe teksta nacrta Zakona o izmjenama i dopunama Zakona o međunarodnom i međuentitetskom drumskom prevozu, kako bi se isti mogao uputiti u dalju proceduru.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-3619/12
Sarajevo, 28.2.2013. godine

01/e-50-1

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 04.03.2013			
Organizaciona jedinica	Klasifikaciona oznaka	Redni broj	Broj priloga
		01-50-1-15-37/12	

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 40. sjednici održanoj 28.2.2013. godine, utvrdilo je Odgovor na zastupničko pitanje koje je postavio Zijad Jagodić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



**БОСНА И ХЕРЦЕГОВИНА
САВЈЕТ МИНИСТАРА**

Број: 05-50-1-3619/12
Сарајево, 28.2.2013. године

ЗИЈАД ЈАГОДИЋ, посланик у Представничком дому Парламентарне скупштине Босне и Херцеговине, на 37. сједници Представничког дома, одржаној 06.12.2012. године, затражио је одговор на сљедеће питање:

„Када можемо очекивати успоставу надзора над банкама на нивоу БиХ (сукладно Уставу БиХ, члан III тачка д. и члан VII) и тиме осигурати његово ефикасно функционирање према основним Базелским принципима?“

На постављено питање, Савјет министара Босне и Херцеговине на 40. сједници одржаној 28.02.2013. године, утврдио је сљедећи

ОДГОВОР

Успостава надзора над банкама на нивоу БиХ може се очекивати онда када, односно ако, ентитети изврше пренос надлежности (у складу са чланом III став 5. Устава БиХ). Успостава надзора банака на нивоу БиХ није ни потребан ни довољан услов за „његово ефикасно функционисање према основним Базелским принципима“. Ентитетске агенције за банкарство усвојиле су стратегију примјене Базелских принципа (Базел II) чијим спровођењем ће се осварити примјена Базелских принципа у функционисању банкарског сектора.

Устав БиХ, члан III став 3. тачка а, прописује да све надлежности које нису експлицитно додјељење институцијама БиХ, припадају ентитетима. Чланови Устава БиХ који су наведени у питању експлицитно регулишу само функционисање Централне банке БиХ, међу чије надлежности није експлицитно наведена и банкарска супервизија. Дакле, да би се надзор банака вршио на нивоу БиХ, неопходно је да о томе договор постигну ентитети, у складу са чланом III став 5 тачка а Устава БиХ.

У другом дијелу питања сугерише се да би тек успоставом надзора банака на нивоу БиХ био осигуран ефикасан надзор према Базелским принципима. С тим у вези, треба истаћи да ефикасан надзор не мора нужно бити повезан са нивоом власти који врши супервизију, нити са институцијом која обавља надзор. Ефикасан надзор банака у складу са Базелским принципима могућ је и у ситуацијама када се супервизија обавља на нивоу ентитета а што зависи од квалитета законског оквира и његовог провођења. Ентитетске агенције за банкарску супервизију усвојиле су стратегију примјене Базелских принципа крајем 2008 године (Агенција за банкарство Федерације БиХ), односно почетком 2009. године (Агенција за банкарство Републике Српске). Провођењем ових стратегија осигураће се функционисање банкарског система у складу са Базелским принципима.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-3619-1/12
Sarajevo, 28.2.2013. godine

01/2-50-1
01

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 04.03.2013			
Organizacione jedinice	Klasifikaciona oznaka	Redni broj	Broj priloga
01-50-1-15-37/R.			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 40. sjednici održanoj 28.2.2013. godine, utvrdilo je Odgovor na zastupničko pitanje koje je postavio Zijad Jagodić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



**БОСНА И ХЕРЦЕГОВИНА
САВЈЕТ МИНИСТАРА**

Број: 05-50-1-3619-1/12
Сарајево, 28.2.2013. године

ЗИЈАД ЈАГОДИЋ, посланик у Представничком дому Парламентарне скупштине Босне и Херцеговине, на 37. сједници Представничког дома, одржаној 06.12.2012. године, затражио је одговор на следеће питање:

„Када ће ВМ БиХ понудити модел сталне расподјеле прихода од индиректних пореза између државе и ентитета те Брчко Дистрикта?“

На постављено питање, Савјет министара Босне и Херцеговине на 40. сједници одржаној 28.2.2013. године, утврдио је следећи

ОДГОВОР

СМ БиХ нема у плану рада понудити нови модел расподјеле прихода од индиректних пореза између институција БиХ, ентитета и Брчко Дистрикта.

Чланом 21 Закона о систему индиректног опорезивања у Босни и Херцеговини (Службени гласник БиХ 44/03, 52/04, 34/07, и 49/09 те члановима 11, 12, 13 и 13а Закона о уплатама на јединствени рачун и расподјели прихода (Службени гласник БиХ 55/04) регулисан је стални модел расподјеле прихода од индиректних пореза за буџете институција БиХ, ентитета и Брчко Дистрикта.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-3619/12
Sarajevo, 25.4.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE

26-04-2013 V O

PRIMLJENO:			
Organizacioni	RESURSA	HRANI	STO
ISPRIC	SRABA	STI	STAGA
01-50-1-15-87/12			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 47. sjednici održanoj 25.4.2013. godine, utvrdilo je Odgovor na zastupničko pitanje koje je postavio Zijad Jagodić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK a
Zvonimir Kutleša
[Signature]



БОСНА И ХЕРЦЕГОВИНА
САВЈЕТ МИНИСТАРА

Број: 05-50-1-3619/12
Сарајево, 25.4.2013. године

Зијад Јагодић, посланик у Представничком дому Парламентарне скупштине Босне и Херцеговине, на 37. сједници Представничког дома одржаној 06. децембра 2012. године, поставио је сљедеће посланичко питање:

„Шта се чини на стварању кохерентног правног и институционалног оквира за мала и средња предузећа и провођењу Повеље о истим?“

На постављено питање, Савјет министара Босне и Херцеговине, је на 47. сједници одржаној 25. 4. 2013. године, утврдио сљедећи

ОДГОВОР

Приједлог Закон о промоцији малих и средњих предузећа и предузетништва у Босни и Херцеговини урађен је у првој половини 2010. године. Овим Законом је између осталог било предвиђено: утврђивање циљева, стратегија и програма развоја и промоције микро, малих и средњих предузећа и предузетништва, основни облици стимулативних мјера, органи надлежни за имплементацију стратегија и програма, те оснивање Форума за промоцију МСП и предузетништва у Босни и Херцеговини и надлежности институција БиХ које се баве промоцијом МСП и предузетништва. Такође, у Закону је предвиђена и дефиниција МСП и вођење статистике МСП-а. Приједлог Закона је у априлу 2010. године упућен Парламентарној Скупштини Босне и Херцеговине, али он тада није усвојен.

Министарство вањске трговине и економских односа Босне и Херцеговине и после тога настојало је да се питање правног и институционалног оквира за мала и средња предузећа актуелизира, међутим због непостојања политичке сагласности та настојања су остала безуспјешна.

Провођење ЕУ Закона о малом бизнису (раније Повеља о малим и средњим предузећима) проводи се путем годишњих извјештаја о реализацији 10 принципа ЕУ Закона о малом бизнису. Једном у току године прикупљају се подаци из оба ентитета и Брчко дистрикта о напредовању у реализацији 10 принципа, те се обједињују у извјештај. Такође, ОЕЦД заједно са Европском комисијом, ЕТФ-ом и Европском банком издаје публикације у којима се представља напредак у имплементацији Повеље о малим предузећима/Закона о малом бизнису за Западни Балкан и Турску. До сада су изашле двије публикације за 2009. и прелиминарна верзија за 2012. године.